

LIBRARY OF CONGRESS



0 003 048 295 5

P. 69. 12

HERMESIANACTIS ELEGIA,
QUAE
AMATORUM ENUMERATIO

INSCRIBITUR,
E GRAECO IN CARMEN LATINUM CONVERSA.

PRÆMISSA SUNT
IN HERMESIANACTEM ADVERSARIA.

SCRIPSIT

more

ET

CONSENTIENTE AMPLISSIMO PHILOSOPHORUM ORDINE

A. D. III. KALENDAS JUNIAS, HORA LOCOQUE SOLITO,

PUBLICÆ DEPENDERE CONABITUR

ALBERTUS T. LYSANDER, PH. M.,

LINGUÆ ET LITTERARUM LATINARUM DOCENS.

PARS PRIMA.

RESPONDENTIS PARTES AGET

HENR. AUG. BERLIN,
BLECKINGUS.



LONDINII GOTHORUM.
EX TYPOGRAPHEO BERLINGIANO.
c16bccccL.

31.45.9

PA3998
H72
1849

96-845572

In Hermesianactem

ADVERSARIA.

I.

Poeta noster discernendus est ab alio Hermesianacte Colophonio, qui Nicandri tempore floruit ⁽¹⁾. Poetae autem elegiaci aetas incidit in Ptolemaei, Lagi filii, et Ptolemaei Philadelphi tempora. Duobus praeter illos scriptoribus nomen fuit Hermesianactis: quorum unus, a Cypro oriundus, res Phrygias enarravit ⁽²⁾; alter Naxius appellatus est ⁽³⁾.

II.

Natus est Colophone ⁽⁴⁾, maximorum illa poetarum patria ⁽⁵⁾. Qua in urbe etiam habitavit, ut ex versu LXXII colligere licet.

III.

PAUSANIAS in Graeciae descriptione (vi, 17, §. 3.) Hermesianactem nescio quem laudat Colophonium, Agonei filium, qui in ludis Olympicis puerorum pugilatu vicit, ita ut ipsi a Colophoniorum re publica Olympiae signum poneretur. Quem cum *G. J. Vossius* ⁽⁶⁾ statuerit a poeta non fuisse diversum, recte negat *Ruhnkenius* et *Smithius* ⁽⁷⁾.

⁽¹⁾ Vid Scholiastam ad *Nicandri Theriac.* vers. 3.

⁽²⁾ *Plutarchi de Fluvii*, xii, 4. Cfr. ii, 3. xxiv, 1.

⁽³⁾ *Photii Biblioth.* ex rec. Imm. Bekkeri. *Berolini*, 1824. p. 446.

⁽⁴⁾ Scholiastes Nicandri l. c. *Athenaei Deipnosoph.* xiii, p. 597. *Pausaniae Graeciae descript.* i, 9, §. 8.

⁽⁵⁾ Ili vero fuerunt Xenophanes, Polymnestus, Minnermus, Antimachus, Phoenix, Hermesianax, Nicander. Homerum quoque suum Colophonii vindicabant.

⁽⁶⁾ Opera omnia. *Amstelodami*, 1695—1701. Vol. ii, p. 176.

⁽⁷⁾ Vid. dissert. quae inscribitur Hermesianax in *Dictionary of Greek and Rom. Biography.* London 1844—1849.

IV.

Aliam Hermesianactis, aliam Epicuri esse *Leontium* pro certo habemus. Ne probari quidem potest interpretum fere communis sententia, amicam Hermesianactis Graecis litteris fuisse eruditam.

V.

Hermesianax una cum Theocrito aliisque poetis et grammaticis illustribus habendus est discipulus Philetæ. Cujus quidem exemplum sequutus, carmina composuit elegiaca, quæ, de amicæ nomine *ÆEONTION* inscripta, in tres libros distribuit. Ἀπὸ γὰρ ταύτης (*Æeontίου*), ut ait ATHENAEUS (xiii, p. 597 A.), ἐρωμένης αὐτῷ γενομένης, ἔγραψεν ἐλεγειακὰ τρία βιβλία. Ita etiam PROPERTIUS librum primum elegiarum *Cynthia* inscripsit.

VI.

Quod PAUSANIAS (l. c. vii, 18, §. 1.) memoravit ἐλεγείον εἰς Εὐδοντίωνα Κένταυρον, ὑπὸ Ἑρμοσιάναντος πεποιημένον, ad locum quandam Leontii carminis referendum est.

VII.

Denique Hermesianax *Persica* (τὰ Περσικά) scripsit, historici, ut videtur, argumenti (8). Ex quibus narratio de Nanide apud PARTHENIUM (Erotic. cap. 22.) est deprompta.

VIII.

Leontii carminis trium librorum paucae supersunt reliquiae. Ex libro tertio octo et nonaginta versus servavit ATHENAEUS (l. c.). Reliquae partes minus insignes.

IX.

Hermesianactis elegiam, Athenaeum sequuti, enumerationem amatorum (κατάλογον ἐρωτιζῶν) inscripsimus. Minus recte a Fulvio Ursino (9) Elegia in Orpheum est appellata. Non enim Orphei modo, sed omnium etiam poetarum, philosophorum, sophistarum amores hoc carmine poeta celebravit.

(8) Scholiastes Nicandri, l. c.

(9) Annotat. ad Virgilii Georg. iv, 470. Vid. Virgilius, collatione scriptor. Graec. illustratus, opera et industria Fulvii Ursini, *Leopardiae*, 1747.

X.

Poesis Hermesianactis, si formam spectemus, elegiaca est. Quam quidem formam Veteres judicaverunt aptissimam et quasi natam ad amorem celebrandum. Quamvis autem disticha Hermesianactis elegiae amatoriae habeantur, finitima tamen sunt illi poesis generi, quod Graeci vocant *ἐπιγραμματικόν*; id quod vidit *Fridericus Schlegelius* (Operum iv, p. 54). Rectissime *Schneiderinus*, v. cl., singula disjunxit epigrammata, quibus nos denique ausi sumus inscriptiones addere.

XI.

De oratione Hermesianactis sic statuo, nullum carmen, nisi forte *LYCOPHRONIS Alexandram*, quod obscurius molestiusque sit, ex tota antiquitate ad nos pervenisse. Non enim abstinet poeta a formis, quae alibi reperiri non possunt. Generibus verborum promiscue utitur et in numeris adhibendis errat. Ea, quae proprie dici poterant, circuitu aliquanto longiori enuntiavit. Alia ex antiquissimis scriptoribus, alia ex vulgari aequalium sermone videntur profecta. Facile credas, istam elegiam compositam esse ab homine, artis grammaticae rhetoricaeque ignaro.

XII.

Metrica quoque negligentia laborat. Exemplum praebet versus LI, ubi penultima sub ictu versus producitur.

XIII.

In versu IL Hermesianax lusit verbo *ἐλιδών*. Proprie enim valet idem quod *ἡ εἰδος*; sed jam ab HOMERO lusciniā ita appellatam esse constat ⁽¹⁰⁾. Huic autem verbo Hermesianax duas res subjecit, lusciniā vatibus amicam, Sapphonem cantus lusciniarum aemulam. Nos quidem verbum Latinum par Graeco frustra quaesivimus. Nullum inveniri potest, quod idem declaret Latine, quod Graece.

XIV.

Frequentissime in Hermesianacte occurrunt versus, qui dicuntur *Leonini* (vs. 3, 6, 8, 14, 18, 20, 21, 22, 24, 28, 30, 33, 34, 36, 41, 42, 47, 55, 58, 62, 64, 65, 68, 74, 80, 82, 84, 92, 97.).

(10) Vid. *Odyss.* xix, 518.

XV.

At tamen *Hermesianax* non minus, quam *LYCOPHRON*, bonus germanusque poeta est iudicandus. Est enim dicendi quoddam genus (Galli appellant *amphigourique*), quod, licet omnes in eo insignitae poesis notae appareant, intelligentiae nostrae vim et notionem quodam modo fugere videatur. Quo in genere constat et *LYCOPHRONEM* et *Hermesianactem* nostrum excelluisse.

XVI.

Dum Graecia et orationis et poesis laude floruit, id quidem nemini Graecorum video contigisse, ut in illo obscuro eodemque gravissimo dicendi genere elaboraret. Ut enim Graecia serenitate coeli tempestatisque fuit insignis, ita, quicquid Graeci veteres sint loquuti, clarum atque apertum ad intelligendum agnosces. Bacchis tantummodo Pythiaeque concessum erat, ut furerent et tortuosa darent oracula. Venere autem tempora, cum illud dicendi genus Graecis mirifice placeret. Tum vero ea contexuere carmina, quorum sententiam ne ipsi quidem satis certo perspicere, sed obscuro quodam sensu suspicarentur. — Quod si verum est Apollinem poetas agitare, sequamur, necesse est, *CICERONEM* (de nat. Deor. iii, 23), qui plures esse Apollines enunciat. Quorum quidem unus, cui *Phoebus* a limido splendidoque cognomen⁽¹¹⁾, Homericos illos versus fundebat. Alter autem, quem propter obliqua et tortuosa responsa Graeci *Loxiam* appellaverunt, *Lycophroni* et *Hermesianacti* carmina videtur subjecisse.

XVII.

Hoc vero *LYCOPHRONI* est cum *Hermesianacte* commune, quod dei cujusdam praesentia fretus ad poesin uterque accessit. Ille quidem Apollinis, hic Amoris mysteria carminibus celebrat. Uterque sublimitate sua incitatus, ita furit et quasi deo incalescit, ut totus orationis habitus quam proxime accedat ad verba mulieris φοιβολήπτου et divino quodam oestro, Bacchae in modum, percitae. Uterque denique, poetica contentus facultate, grammaticorum rhetorumque praecepta contempsit.

XVIII.

Quibus rebus factum est, ut alii *Hermesianactem* vituperaverint, alii eum summis lau-

(11) Vid. *Macrobii Saturnal.* i, 17.

dibus extulerint. In his vero *Ruhnkenius*. Neque est, quod miremur, eos poetices magistros, qui *Phosphoristae* appellati sunt, de Hermesianacte magnifice sensisse. Eorum certe coryphaeus, *Hammarshoeldtus*, Hermesianactem singulari libro est interpretatus ⁽¹²⁾.

XIX.

Hermesianax, dum omnia ad amorem refert, res historicas identidem neglexit. Id quod in poeta minime debemus reprehendere.

XX.

Fieri non potest in accurata Hermesianactis interpretatione, ut rationem etiam serves poesis. Mihi quidem, cum in animo esset verbum pro verbo reddere, accidit illud Virgilianum:

————— Cynthus aurem
Vellit et admonuit.

(Eclog. vi, 3—4.)

Friget enim interpretatio, in qua ne minime quidem spirat poetae mens. Quod quidem evenit *Nicolao Bachio*, V. Cl., qui, accuratam sectans interpretationem, voti compos non factus est, immo leges metricas violavit. Exempla lubet colligere. Quod autem non ago, ut laureolam in mustaceo quaeram; sed vel doctissimorum scriptorum errores silentio non praetereundos censeo. Hujusmodi igitur versus in interpretatione Bachiana leguntur:

Pallidam u|bi in cim|bam || colligit|nauta Cha|ron.
Magnam|quae Cere|alem ad E|leusinx|sustulit|almis.
Eni|ti cu|ras || solēt ē|mente le|ves.
Carminum et| auspiciū|ab || virgine|sua cā|pit.
Nim|rum ca|nus vël|ille The|oridis|formam.
————— || mīsit Jo|vis Sopho|eli.
Ipsū|que ars mise|re rati|onbas|strinxit a|cerbis.
P̄tēns|Aspasi|am —————
Præ cet̄|ris sapi|ens || Socratis |ing|ni|um.
Ira|tus tamen |haec || carmina|cēcinē|rat.

In his duobus exitus quoque offendit. Ejusdem generis sunt:

Orpheus et divos permovet *omnigenos*.
Dulces et teneri flamina *pentametri*.

(12) Hermesianactis fragm. suethice redditum. *Upsaliae*, 1813.

Irasque a teneris ceperat unguiculis.
 Moenia quo plausu venerit attonitus.
 Pythagoram, spirae flexa geometricae.
 In sphaera totum finxerat erigua.
 Tantum erudelem Laida deperit.
 Acriter explicuit cunctaque colloquia.

Omnia vitia enumerare molestum est. — *Hammarshoeldii* vero liber ita scriptus est, ut sit elegia Hermesianactis obscurior. Pauca errata ostendisse sufficiet. Graecum illud *λαῖνα* (vers. 65.) Sueco vocabulo laqrar est interpretatus, deceptus, credo, similitudine quadam, quae voci Graecae est cum Latina *lauri*. Eadem vocum similitudine adductus *νησον* (vers. 31.) Suethice reddidit nāset. — Praetera superiores Hermesianactis interpretes eo usi sunt textu, qui pravis lectionibus redundet. Quae cum ita sint, Hermesianacti opus esse videtur novo interprete.

XXI.

Nemo fere scriptorum antiquorum ad nos pervenit Hermesianacte corruptior. Neque vero ulla est elegia, immo carmen, in quo emendando tot tantique critici aut magis aut felicius elaboraverint. In his sane reliquiis ars critica, quid efficere possit, videtur experta. Duo autem sunt conjecturarum genera. Unum genus est, quod, molestae eruditionis copia refertum, speciem probabilitatis gerit, legentium tamen perfectam approbationem nullo modo potest movere. Alterum autem, cui opus non est circuitione et anfractu, tantam habet a primo aspectu commendationem, ut mentes hominum ad se alliciat atque attrahat. Contigit vero interpretibus Hermesianactis, jam inde a *Lennepio* usque ad *Cobetium*, ut conjecturas facerent praestantissimas. Quibus concipientibus, poeta divinus, interpretis corpore inclusus, loquitur. Neque enim arte nec scientia, sed diviva quadam praesentia, ac sorte, haec praeclara efficere potuerunt. In illos igitur potissimum licet accommodari dictum CICERONIS (de Divinat. i, 18, §. 34): *poetarum interpretes proxime ad eorum, quos interpretentur, divinitatem accedere*.

INDEX SCRIPTORUM,

quorum emendationes ad hanc textus recognitionem adhibuimus ⁽¹³⁾.

- Vs. 2. *Θρηῖσσα κιθάρη*. Ruhnkenius ⁽¹⁴⁾, Heinrichius ⁽¹⁵⁾.
 Vs. 3. *ἀπενθέα*. Hermannus ⁽¹⁶⁾.
 Vs. 4. *κοινήν*. Lennepius ⁽¹⁷⁾, Valckenarius ⁽¹⁸⁾, Ruhnkenius Dindorfius, Heinrichius.
 Vs. 5—6. *λίμνης χεῖμα ὁνομένης*. Ruhnkenius.
 Vs. 19. *ἀνὰ τέμενος διαποιπνύουσα*. Bachius.
 Vs. 20. *Δημήτρος*. Hermannus.
 Vs. 25—26. Lennepius ⁽¹⁹⁾.
 Vs. 28. *Ἰίδει τὸν*. Cobetius ⁽²⁰⁾.
 Vs. 33. *Κλαῖεν δ' Ἰκαρίον*. Hermannus.
 Vs. 36. *Πνεῦμα τὸ πένταμέτρον*. Lennepius, Ruhnkenius.
 Vs. 39. *Ἥλγεε — οὐδέ*. Schneidevinus ⁽²¹⁾.
 Vs. 43. *Σαρδιανήν*. Lennepius, Hermannus.
 Vs. 44. *Τρωῶλιον αἴων*. Hermannus.
 Vs. 45. *Ἀζορν*. Hermannus.
 Vs. 55. *εὐῦμον*. Paldamus ⁽²²⁾. *τὸ δ' ὁμούριον εἶσιδε Λεκτόν*. Hermannus.
 Vs. 57. *Κολώνην*. Bachius.
 Vs. 59—60. *καὶ τὸν ἔρωτ' ἀνέγειρε Θεωρίδος, οἶσθα, Τεχνοσόφω φρενί, τήν*.
 Hermannus.
 Vs. 62. Riglerus et Axtius.

⁽¹³⁾ Eos vero tantum enumeravi libros, in quibus nomen Hermesianactis non sit inscriptum.

⁽¹⁴⁾ Epist. critica II. Vid. Ruhnkenii Opuscula varii argumenti. *Lugduni Batavorum*, 1823. Vol. ii.

⁽¹⁵⁾ Observationes in auctores veteres. *Hanoverae*, 1794. p. 25 sqq.

⁽¹⁶⁾ Opuscula. *Lipsiae* 1827—1831. Vol. ii, p. 239 sqq.

⁽¹⁷⁾ *Coluthi Raptus* Helenae, graece et latine; recensuit J. D. a Lennep. Accedunt ejusdem animadversionum libri tres, tum in Coluthum, tum in nonnullos alios auctores. *Leovardiae*, 1747. Lib. iii, cap. 8, p. 161 sqq.

⁽¹⁸⁾ Diatribe in Euripidis perditorum dramatum reliquias. *Lugduni Batavorum*, 1767. cap. 25, p. 281.

⁽¹⁹⁾ L. c. in Addendis.

⁽²⁰⁾ Oratio de arte interpretandi. *Lugduni Batavorum*, 1847. p. 50.

⁽²¹⁾ Delectus poetarum elegiacorum Graecorum. *Göttingae*, 1838. p. 152.

⁽²²⁾ Propertius. *Halae*, 1827. p. 303.

- Vs. 65. *κατεδύσατο*. Schneidevinus.
 Vs. 66. *Αίγεινω*. Ilgenius, Bachius.
 Vs. 77. *Βαττίδα*. Scaliger, Hermannus.
 Vs. 79. *Οὐ μὴν οὐδ'*. Blomfieldius ⁽²³⁾.
 Vs. 80. *σχοτήν*. Heinrichius.
 Vs. 82. *κῦδος*. Ruhnkenius.
 Vs. 83. *δι δεινόν*. Ruhnkenius.
 Vs. 86. *καμψά*. Heinrichius, Bachius.
 Vs. 88. *ἀπομασσόμενον*. Hemsterhusius ⁽²⁴⁾, Ruhnkenius, Wyttenbachius, Schneidevinus.
 Vs. 89—90. *ἔχρη Ἀπόλλων ἀνθρώπων εἶναι*. Porsonus ⁽²⁵⁾, Bachius, Schneidevinus.
 Vs. 95—96. Ruhnkenius, Hermannus.
 Vs. 98. Porsonus (l. c. p. 246), Bachius.

⁽²³⁾ Museum criticum Cantabrig. Vol. i, p. 54.

⁽²⁴⁾ Vid. Ruhnkenii Epist. critic. II. p. 297.

⁽²⁵⁾ Tracts and miscellaneous criticisms of the late Richard Porson, collected and arranged by Thomas Kidd. London, 1815. p. 41. sq.

HERMESIANACTIS ELEGIA,
QUAE
AMATORUM ENUMERATIO

INSCRIBITUR,
E GRAECO IN CARMEN LATINUM CONVERSA.

PRAEMISSA SUNT
IN HERMESIANACTEM ADVERSARIA.

SCRIPSIT

ET
CONSENTIENTE AMPLISSIMO PHILOSOPHORUM ORDINE

A. D. III. KALENDAS JUNIAS, HORA LOCOQUE SOLITO,

PUBLICAE DEPENDERE CONABITUR

ALBERTUS T. LYSANDER, PH. M.,
LINGVAE ET LITTERARUM LATINARUM DOCENS.

PARS ALTERA.

RESPONDENTIS PARTES AGET

ERN. AX. HENR. KEY,
SMOLANDUS.

LONDINII GOTHORUM.
EX TYPOGRAPHEO BERLINGIANO.
clj6cccl.

Ἑρμῆσιάναντος τοῦ Κολοφώντιον
Κατάλογος Ἑρωτικῶν.

(*ATRENAEI Deipnosophist.* xiii, p. 597—599.)

Carmen, quo, in tanta veterum elegiarum jactura, vix
quicquam praestantius habemus.

Ruhnkenius.

(*Epist. Crit.* II. p. 233).

* * *

Ὅρφεύς.

- Οἶήν μὲν φίλος νῖδος ἀνήγαγεν Οἰάγοιο
Ἀργιόπην, Θρηῖσσε στυλάμενος κιθάρης
Αἰδόθεν, ἐπλευσεν δὲ κακὸν καὶ ἀπενθέα χῶρον,
Ἐνθα Χάρων κοινὴν ἔλκεται εἰς ἄκατον
Ψυχὰς οἰχομένων, λίμνης δ' ἐπὶ μακρὸν ἀντεῖ
Χεῦμα διὲκ μεγαλῶν ὀνομένης δονακῶν.
Ἀλλ' ἔτλη παρὰ κύμα μονόζωστος κιθαρίζων
Ὅρφευς, παντοίους δ' ἐξανέπεισε θεούς·
Κωκυτὸν τ' ἀθέμιστον ἐπ' ὀφρύσι μειδῆσαντα
Ἦδὲ καὶ ἀνοτάτου βλέμμι ὑπέμεινε κνυός,
Ἐν πυρὶ μὲν φωνὴν τεθοωμένου, ἐν πυρὶ δ' ὄμμα
Σκληρὸν, τριστοίχοις δαῖμα φέρον κεφαλαῖς.
Ἐνθεν αἰοιδιῶν μεγάλους ἀνέπεισε ἀνακτας
Ἀργιόπην μαλακοῦ πνεῦμα λαβεῖν βίωτον.

Μουσαῖος.

- Οὐ μὴν οὐδ' νῖδος Μήρης ἀγέραςτον ἔθηκεν
Μουσαῖος, Χαρίτων ἥρανος, Ἀντιόπην,
Ἦτε πολυνήστησιν, Ἐλευσίνος παρὰ πέζαν,
Εὐδασμὸν κρυφτῶν ἐξεφόρει λογίων,
Ῥάριον ὄργι' ἀνὰ τέμενος διαποιπνύουσα
Δημήτρα, γνωστὴ δ' ἐστὶ καὶ εἰν Αἰδῇ.

Ἡσίοδος.

- Φημι δὲ καὶ Βοιωτὸν, ἀποπρολιπόντα μελαθρον,
 Ἡσίοδον, πάσης ἤρανον ἰστορίας,
 Ἀσκραίων εἰσέεσθαι ἐρῶνθ' Ἐλικωνίδα κόμην
 Ἐνθεν ὅγ' Ἠοίην μινώμενος Ἀσκραίην
 25. Πόλλ' ἀποθεν πάτρης Μεγάλων ἀνεγράφετο βίβλους
 Ἠοίων, ἐρατῆς παιδὸς ἐναρχόμενος.

Ὅμηρος.

- Αὐτὸς δ' οὗτος αἰοιδὸς, δν ἐκ Διὸς αἶσα φυλάσσει,
 Ἥδει τὸν πάντων δαίμονα μονσοπόλων.
 30. Λεπτήν δ' εἰς Ἰθάκην ἀνετείνετο θεῖος Ὅμηρος
 Ῥαδιῆσιν πυντῆς εἵνεκα Πηλεΐδης,
 Ἦν διὰ πολλὰ παθῶν, δλγὴν ἐσενέσασατο ἡῆσον,
 Πολλὸν ἀπ' εὐρείης λειπόμενος πατρίδος.
 Κλαῖεν δ' Ἰκαρίου τε γένος καὶ δῆμον Ἀμύκλον
 Καὶ Σπάρτην ἰδίων ἀπτόμενος παθέων.

Μίμνερος.

- Μίμνερος δὲ, τὸν ἡδὲν ὃς εὗρετο πολλὸν ἀνατλάς
 Ἦχον καὶ μαλακοῦ πνεῦμα τὸ πενταμέτρον,
 Καίετο μὲν Ναννοῦς, πολὺ δ' ἐπὶ πολλάκι λωτῷ
 Κημωθεὶς κόμους στείχε συνεξανέειν
 Ἦλγεε δ' Ἐρμόβιον τὸν αἰὲ βαρὺν, οὐδὲ Φερέελλην
 40. Ἐχθρὸν μισήσας τοῖ' ἀνέπεμψεν ἔτη.

Ἀντίμαχος.

- Λύδης δ' Ἀντίμαχος Λουσιῆδος ἐκ μὲν ἔρωτος
 Πληγείς Πεκτωλοῦ θεῦμ' ἐπέβη ποταμοῦ
 Σαρδιανὴν δὲ θανούσαν ὑπὸ ξηρὴν θέτο γαίαν,
 Τρωῶλιον αἶσαν δ' ἦλθεν ἀποπρολιπὼν
 45. Ἄσπρην ἐς Κολοφῶνα, γόων ἐνεπλήσασατο βίβλους
 Ἰερὰς, ἐκ πάντος πανσάμενος καμιάτων.

Ἀλκαῖος καὶ Ἀνακρέων.

Λέσβιος Ἀλκαῖος δὲ πόσους ἀνεδέξατο κώμους,

Σαπφούς φορμίζων ἡμερόεντα πόθον,

Γινώσκεις· ὁ δ' αἰοῖδός ἀιδόνος ἠράσαθ', ὕμνων

Τῆτον ἀλγύνων ἄνδρα πολυφραδίῃ.

50.

Καὶ γὰρ τὴν ὁ μελιχρὸς ἐφωμίλῃσ' Ἀνακρέων

Στελλομένην πολλαῖς ἄμμιγα Λεσβιάσιν·

Φοῖτα δ' ἄλλοτε μὲν λείπων Σάμον, ἄλλοτε δ' αὐτὴν

Οἰνηρὴν δουρὶν κεκλιμένην πατρίδα,

Λέσβον ἐς εὐνυμον· τὸ δ' ὁμοῦριον εἶσιδε Λεκτὸν

55.

Πολλάκις Αἰολικοῦ κύματος ἀντιπέρας.

Σοφοκλῆς.

Ἀτθίς δ' οἶα μέλισσα, πολυπρήωνα Κολώνῃν

Λέπονσ', ἐν τραγικαῖς ἤδε χοροστασίαις

Βάκχον, καὶ τὸν ἔρωτ' ἀνέγειρε Θεωρίδος, οἶσθα,

Τεχνοσόφῳ φρενί, τὴν Ζεὺς ἔπορεν Σοφοκλεῖ.

60.

Εὐριπίδης.

Φημὶ δὲ κάκεινον τὸν αἰεὶ πεφυλαγμένον ἄνδρα

Καὶ πρώτων μῖσος κτώμενον ἐξ ὀνίχων

Πάσας ἀμφὶ γυναικας, ἐπὶ σκολιοῖο τυπέντα

Τόξον, νυκτερινὰς οἶκ' ἀποθέσθ' ὀδύνας·

Ἀλλὰ Μακεδονίης πάσας κατεδύσατο λαύρας

65.

Ἀλγεῖν δὲ μέθεπεν δ' Ἀρχέλεω ταμίην,

Εἰσόκε τοι δαίμων, Εὐριπίδη, εὗρεν ὄλεθρον

Ἀμφὶ βίου στυγνῶν ἀντιάσαντι κινῶν.

Φιλόξενος.

Ἄνδρα δὲ, τὸν Κυθέρηθεν ἀνεθρέψαντο τιθῆραι

Βάκχον καὶ λωτοῦ πιστότατον ταμίην

70.

Μοῦσαι παιδευθέντα, Φιλόξενον, οἶα τιναχθεὶς

Ῥορυγῇ ταύτης ἦλθε διὰ πτόλεως,

Γινώσκεις, αἶτοσα μέγαν πόθον, δὴν Γαλατείης

Αὐτοῖς μηλείοις θήκαθ' ἐπὶ προγόνοις.

Φιλητᾶς.

Φοῖσθαι δὲ καὶ τὸν ἀοιδὸν, ὃν Εὐρυπύλον πολιῆται,
 Κῶοι, χαλκεῖον θῆκαν, ὑπὸ πλατάνῳ
 Βαττίδα μολπάζοντα θοῆν, περὶ πάντα Φιλητᾶν
 ῥήματα καὶ πᾶσαν ἑνόμενον λαλήν.

80. Οὐ μὴν οὐδ' ὁπόσοι σκληρὸν βίον ἐστῆσαντο
 Ἀνθρῶπων, σκοτιήν μαίόμενοι σοφίην,
 Οὗς αὐτὴ περὶ πικρὰ λόγοις ἐσφελξατο μήτις
 Καὶ δεινὴ μῦθων κῦδος ἔχουσ' ἀρετῇ,
 Οὐδ' δι' δεινὸν Ἔρωτος ἀπεστρέψαντο κυδοιμὸν
 Φαινομένον, δεινὸν δ' ἤλθον ἔφ' ἡνίοχον.

Πυθαγόρας.

85. Οἷη μὲν Σάμιον μανίη κατέδησε Θεανοῦς
 Πυθαγόρην, ἑλίκων καμπὰ γεωμετρίας
 Εὐρόμενον, καὶ κύκλον, ὅσον περιβάλλεται αἰθῆρ,
 Βαῖψ' ἐνὶ σφαίρῃ πάντ' ἀπομασσόμενον.

Σωκράτης.

90. Οἷφ' δ' ἐχλήηνεν ὃν ἔξοχον ἔχρη Ἀπόλλων
 Ἀνθρῶπων εἶναι Σωκράτῃ ἐν σοφίῃ
 Κύρις μηνιούσα πνρὸς μένει, ἐκ δὲ βαθείης
 Ψυχῆς κουφοτέρως ἐξεπόνησ' ἀνίας,
 Οἷκ' ἐς Ἀσπασίης πωλεύμενος, οὐδέ τι τέκμαρ
 Εἶρε, λόγῳ πολλὰς εὐρόμενος διόδους.

Ἀρίστιππος.

95. Ἄνδρα δὲ Κυρηναῖον ἔσω πόθος ἔσπασεν Ἰσθμοῦ
 Λεινός, ὃ τ' ἀπιθάνης Λαίδος ἠράσατο
 Ὅξυς Ἀρίστιππος, πάσας δ' ἡγήματο λέσχας
 Φεύγων, οὐδ' ἀπέχων ἐξ Ἐφύρης ἐβίω.

*

*

*

Hermesianactis Colophonii
Elegia,
 quae
ARMATORUM ENUMERATIO

inscribitur,
 e Graeco in carmen Latinum conversa.

(Prima perierunt.)

Orpheus.

Sic potuit manes arcessere conjugis Orpheus,
 Armatus cantu Threiciaque lyra.
 Diraque tranavit monstrorum habitacula puppi:
 Accipit hic animas publica cymba senis.
 Hic quoque per densas magno cum murmure valles
 Intextae calamis labitur annis aquae.
 Ast Orpheus pulsare fides Acherontis ad undam
 Audet et omnigenum corda movere deum.
 Nec mora, Cocytum citharae modulamine tentat,
 Invito et vultu risit amara palus.
 Oravitque canem, tria cui latrantia colla,
 Ignea vox, ignes luminibusque micant.
 Hic cithara cantans dominis persuasit Averni,
 Ut comes in lucem conjugis umbra foret.

Musaeus.

Nec Luna genitus, Charitum Musaeus amicus
 Desiit Antiopam nobilitare suam.
 Tunc ad Eleusinem fatorum arcana canebat
 Antiope, jactans per nemus omne preces.
 Sacra ferebat enim Cereri Triviaeque deabus:
 Nota quoque est Stygiis illa puella locis.

Hesiodus.

Hesiodus vates Eoëam arsisse puellam

Dicitur: ante alios hic quoque doctus erat.

Usque Heliconā venit, deserta sede parentum:

Nec pudet Ascræae virginis esse procum.

Jam procul a patria libros confecit amorum,

Inscripsitque omnes, cara puella, tibi.

Homerus.

Quin Paphium, cuncti quem cognovere poetae,

Mæonius vates novit et ipse deum.

Namque Ithacam tennem divus contendit Homerus

Propter Penelopam, cujus amator erat.

Hic longe a sociis magna patriaque remotus

Ob te, Penelope callida, multa tulit.

Icaridem cecinit, populum et delevit Amyclæ;

Nec cecinit luctus immemor ipse sui.

Mimnermus.

Impariter junctos versus ac mollia questu

Carmina Mimnermo subjeciebat amor.

Arsit enim Nanno et, pulchra comitante puella,

Ad calami cantus duxit, ut ante, choros.

Atque animum rexit justaque reduxit ab ira,

Carminibus tantum deliciisque datus.

Antimachus.

Antimachus, magno Lydæ percussus amore,

Auriferum ad fluvium (nec mora) carpsit iter.

Ille, ubi Mæoniae mandata est uxor arenæ,

In Colophona suam rursus abire parat.

At vivet semper fidibus commissa querela

Et desiderii mite levamen erit.

Alcaeus et Anacreon.

Sic canit Alcaeus, patria qui natus eadem,
 Sapphonem: blanda personat ille lyra.
 Aemula luscinae cantrix capit arte poetam:
 Est quoque sic Teji mens agitata viri.
 Namque etiam vatem, quo non festivior ullus,
 Lesbiadem pulchram dum videt, ussit amor.
 Huc atque huc errans Samios reliquit agellos:
 Ceperat hos dura gens inimica manu.
 Hinc velis subiit Lesbos vicinaque Lecti
 Oppositi contra caerula terga maris.

Sophocles.

At celsa quondam Attica apes elapsa Colono
 Lenaeum in tragicos est modulata sonos.
 Canescens etiam dulci capit ille Theorim
 Cantu, quem Sophocli Juppiter ipse dedit.

Euripides.

Oderat Euripides, cautissimus ille poeta,
 A puero taedas femineumque genus.
 Est tamen hic flammis arcuque Cupidinis ictus,
 Et fugit insomnem noctis amica quies.
 Namque Macedonias urbes plateasque pererrat,
 Quocunque Aegino, regia serva, rapit.
 Sed deus Euripidi crudelia fata paravit:
 Indagant vatem dilacerantque canes.

Philoxenus.

Fidum etiam dico Bacchi Phoebique ministrum,
 Quem puerum Musae sic aluere sacrae.
 Interdum, populi plausu comitante sonoro,
 Tendebat vates ad Colophona viam.
 Te dolet amissa, pulchra o Galatea, poeta:
 Te teneros agnos ingemuisse ferunt.

*Philetas.*

Parpyli cives posuere ex aere Philetam,
Qui Coam celerem, Battida, dulce canit.
Alta sub platano, spissam quae complicit umbram,
Trivit colloquis ille poeta diem.

At multos homines austeram ducere vitam
Obscurisque scholis invigilare iuvat.
Non his aut Veneres aut vincla jugalia curae;
Omne sed in studiis hi posuere decus.
Hos tamen icit Amor numquam fallente sagitta,
Et properant duro subdere colla jugo.

Pythagoras.

Sic retinent vinctum formosae vincla Theanus
Mensorem terrae caeruleique maris.
Uritur, igniferum dicto qui regnat Olympum
Illigat et parvo sidera celsa globo.

Socrates.

Est unus quondam sapiens ab Apolline dictus:
Insano Aspasiae torquet amore Vénus.
Hanc petit, emergens aliquando ex mente profunda,
Et levibus curis magna sophia perit.
Tum sapiens finem nequicquam quaerit amandi,
Qui multas menti repperit ante vias.

Aristippus.

En Ephyram venit, quem praedicat alta Cyrene,
Te propter, multis Lais amata viris.
Doctus Aristippus doctrinam fugit et artem:
Nec puditum est illum laude carere sua.

(Cetera desiderantur.)

LIBRARY OF CONGRESS



0 003 048 295 5